

Xeev Cov Ntsiab Qauv Kawm

KEV KAWM LUS ASKIV

Qib
8

Qhov kev pab koj txhawb koj tus me nyuam txoj kev kawm

Hauv qib yim, cov me nyuam kawm ntawv yuav nyeem ntau yam ntawm cov ntawv zaj lus sau tsis muaj tseeb thiab cov ntawv zaj lus sau muaj tseeb los ntawm qhov txhia chaw thooob plaws hauv lub ntiaj teb thiab cov ncuaj sij hawm sib txawv. Lawv kuj yuav npaj ua tej qhov kev tshawb fawb uas yuav muaj kev tshawb xyuas ntawm ntau qhov chaw thiab muaj kev txhais ntau ntawv thiab cov ntawv nyeem kom raug. Tej yam yuav ua hauv cov kev kawm no yog xws li:

- Txheeb suam ntawv xaiv nyeem seb hais li cas thiab muab kev kwv yeas raws tej tim khawv
- Tshawb xyuas qhov kev cuam tshuam ntawm tej lo lus siv hais txog lus ntsiab thiab lub suab, xws li kev sib piv los yog kev tsis nkag siab rau lwm yam ntawv nyeem
- Luj xyuas qhov kev sib cam thiab tej lus aws tseg nyob hauv phau ntawv nyeem, ntsuam xyuas seb txheej lus puas muaj suab cha thiab tej tim khawv puas tseem ceeb thiab puas muaj txaus
- Muab cov ntsiab lus thiab cov tswv yim los sau sib txuas
- Tshawb xyuas lub hom phiav ntawm cov ntsiab lus tau nthuav qhia ua ntau hom kev txuas lus, xws li duab videos
- Koom rau chaw kawm cov kev sib tham nthuav tswv yim
- Npaj cov lus siv tau ntau yam rau tej lo lus thiab tej kab lus hais txog kev kawm
- Txhais tej paj lug, xws li tej lo lus lub suab sib thooj uas muaj lub ntsiab txawv los hais tso dag los yog tej lo lus uas nws lub ntsiab txawv qhov hais ntawd (puns/ irony)

Hauv qib yim, cov me nyuam kawm ntawv yuav nyeem ntau yam ntau ntawv, xws li cov dab neeg, cov yeeb yam, thiab cov paj huam. Lawv yuav nyeem los mus kawm txog keeb kwm, lub ntiaj teb, txuj ci, thiab lwm yam. Ntawm no yog ob peb qhov piv txwv ntawm qhov koj tus me nyuam yuav npaj xyaum cov kev nyeem ntawv tseem ceeb nyob rau qib duas kawm.

Kev Nyeem Ntaub Ntawv

Qib Xya Kev Nyeem Ntawv	Qib Yim Kev Nyeem Ntawv	Qib Cuaj Kev Nyeem Ntawv
Cov me nyuam kawm ntawv txiav txim xyuas lub niam tswv yim los yog lub tswv yim tseem ceeb ntawm phau ntawv nyeem thiab tshawb xyuas nws qhov kev npaj hauv ncuaj sij hawm ntawm cov ntawv nyeem. Cov me nyuam kawm ntawv muab tau lub ntsiab ntawm cov ntawv nyeem tib si.	Cov me nyuam kawm ntawv txiav txim xyuas lub niam tswv yim los yog lub tswv yim tseem ceeb ntawm phau ntawv nyeem thiab tshawb xyuas nws qhov kev npaj xws li nws qhov sib thooj/sib txawv rau cov neeg hauv zaj lus, qhov chaw, thiab zaj lus. Cov me nyuam kawm ntawv muab tau lub ntsiab ntawm cov ntawv nyeem tib si.	Cov me nyuam kawm ntawv txiav txim xyuas lub niam tswv yim los yog lub tswv yim tseem ceeb ntawm phau ntawv nyeem thiab tshawb xyuas nws qhov kev npaj txhua yam, xws li qhov nws tshwm los thiab raug kho thiab cais los ntawm txhua yam.
Cov me nyuam kawm ntawv tshawb xyuas qhov tus neeg sau npaj sau thiab piv cov kev xam pom sib txawv ntawm cov neeg hauv zaj lus los yog cov piav zaj lus hauv phau ntawv nyeem.	Cov me nyuam kawm ntawv tshawb xyuas qhov sib txawv hauv cov kev xam pom ntawm cov neeg hauv zaj lus thiab cov neeg nyeem zaj lus uas ua rau siab nyob tsis tswm los yog tso dag tso luag.	Cov me nyuam kawm ntawv tshawb xyuas tej qhov kev xam pom los yog kev paub ua dua los lawm uas raug teev rau hauv tej ntau ntawv nyeem tuaj sab nrauv ntawm teb chaws Asmeskas tuaj.

Kev Nyeem Kom Paub Cov Ntsiab Lus

Qib Xya Kev Nyeem Ntawv	Qib Yim Kev Nyeem Ntawv	Qib Cuaj Kev Nyeem Ntawv
Cov me nyuam kawm ntawv teev ntau qhov tim khawv hauv cov ntawv nyeem los txhawb qhov kev tshawb xyuas ntawm tej yam cov ntawv nyeem hais meej meej thiab muab cov kev kwv yeas lub ntsiab los ntawm cov ntawv nyeem.	Cov me nyuam kawm ntawv teev tej tim khawv hauv cov ntawv nyeem uas txhawb qhov kev tshawb xyuas khov tshaj plaws ntawm tej yam cov ntawv nyeem hais meej meej thiab muab cov kev kwv yeas lub ntsiab los ntawm cov ntawv nyeem.	Cov me nyuam kawm ntawv teev tim khawv hauv cov ntawv nyeem los txhawb qhov kev tshawb xyuas ntawm tej yam cov ntawv nyeem hais meej meej thiab muab cov kev kwv yeas lub ntsiab los ntawm cov ntawv nyeem.
Cov me nyuam kawm ntawv piv phau ntawv nyeem qhov sib thooj thiab sib txawv rau cov lus kaw, cov duab video, los yog ntau hom xov xwm ntawm cov ntawv nyeem, tshawb xyuas txhua hom xov xwm qhov kev piav ntawm hom ntawv kawm. (xws li qhov kev cev lus cuam tshuam lo lus hais).	Cov me nyuam kawm ntawv luj xyuas qhov zoo thiab qhov tsis zoo hais txog kev siv ntau hom xov xwm (xws li tej ntawv luam, tej ntawv digital, tej duab video, los yog ntau hom xov xwm) los nthuav qhia nqe lus los yog lub tswv yim.	Cov me nyuam kawm ntawv tshawb xyuas ntau qhov ntawm hom ntawv kawm uas tau qhia nyob hauv ntau hom xov xwm (xws li tej ntawv luam, duab video, thiab ntau hom xov xwm), los txiav txim xyuas seb yam twg tseem ceeb nyob rau txhua qhov.

Kev Sau Ntawv

Cov kev sau ntawv hauv qib yim yuav muaj xws li cov dab neeg, daim ntawv sau, daim ntawv sau cej luam, thiab daim ntawv sau haub. Ntawm no yog ob peb qhov piv txwv ntawm qhov koj tus me nyuam yuav npaj cov kev xyau sau ntawv tseem ceeb nyob rau txhua qib duas kawm.

Qib Xya Kev Sau Ntawv	Qib Yim Kev Sau Ntawv	Qib Cuaj Kev Sau Ntawv
Cov me nyuam kawm ntawv taw qhia nqe lus meej heev, sub saib tej yam yuav tau ua raws, thiab npaj nqe lus muaj cov ntsiab lus, cov ntsiab lus ntxhais, txhua yam tseem ceeb, cov lus lwm tus hais, los yog lwm yam ntsiab lus tsim nyog.	Cov me nyuam kawm ntawv taw qhia nqe lus meej heev, sub saib tej yam yuav tau ua raws, thiab npaj nqe lus muaj cov ntsiab lus, cov ntsiab lus ntxhais, txhua yam tseem ceeb, cov lus lwm tus hais, los yog lwm yam ntsiab lus tsim nyog thiab xaiv tau haum.	Cov me nyuam kawm ntawv taw qhia nqe lus thiab npaj nqe lus muaj cov ntsiab lus xaiv tau haum, tsim nyog, thiab zoo txaus, cov ntsiab lus txhais, txhua yam tseem ceeb, cov lus lwm tus hais, los yog lwm yam ntsiab lus thiab cov piv txwv tsim nyog rau cov neeg qhov kev paub txog nqe lus.
Cov me nyuam kawm ntawv muab ib nqe lus los yog ib tshooj lus xaus uas yog raws qab thiab txhawb cov ntsiab lus los yog nqe lus piav muab nthuav qhia.	Cov me nyuam kawm ntawv muab ib nqe lus los yog ib tshooj lus xaus uas yog taug qab raws thiab txhawb cov ntsiab lus los yog nqe lus piav muab nthuav qhia.	Cov me nyuam kawm ntawv muab ib nqe lus los yog ib tshooj lus xaus uas yog taug qab raws thiab txhawb cov ntsiab lus los yog nqe lus piav tau muab nthuav qhia, (xws li, kev hais lub suab, los yog qhov tseem ceeb ntawm nqe lus).
Cov me nyuam kawm ntawv teeb cov tswv yim, cov ntsiab, thiab cov ntsiab lus uas yog siv cov kev sau xws li kev txhais lub ntsiab lus, kev cais lus, kev piv qhov sib thooj/qhov sib txawv, thiab kev ua tsub rau/qhov tshwm sim.	Cov me nyuam kawm ntawv teeb cov tswv yim, cov ntsiab, thiab cov ntsiab lus los ua ntau hom.	Cov me nyuam kawm ntawv teeb cov tswv yim, cov ntsiab, thiab cov ntsiab lus ntau yam los ua cov kev sib txuas thiab cov kev sib txawv tseem ceeb.
Cov me nyuam kawm ntawv siv cov kev sau lus txuas tsim nyog los tsim kev sib haum ua ke thiab qhia qhov sib thooj ntawm cov tswv yim thiab cov ntsiab meej heev.	Cov me nyuam kawm ntawv siv ntau yam kev sau lus txuas tsim nyog los tsim kev sib haum ua ke thiab qhia qhov sib thooj ntawm cov tswv yim thiab cov ntsiab meej heev.	Cov me nyuam kawm ntawv siv ntau yam kev sau lus txuas tsim nyog los txuas tej suam tseem ceeb ntawm cov ntawv sau, tsim kev sib haum ua ke thiab qhia qhov sib thooj ntawm cov tswv yim thiab cov ntsiab ntau yam meej heev.
Cov me nyuam kawm ntawv siv cov lus haum thiab tej lo lus hauv hom ntawv kawm los qhia txog los yog piav nqe lus.	Cov me nyuam kawm ntawv siv cov lus haum thiab tej lo lus hauv hom ntawv kawm los qhia txog los yog piav nqe lus.	Cov me nyuam kawm ntawv siv cov lus haum thiab tej lo lus hauv hom ntawv kawm rau ntau yam ntawm nqe lus.

Pab Koj Tus Me Nyuam Kawm Thaum Nyob Sab Nrauv Ntawm Lub Tsev Kawm Ntawv

1. Muab sij hawm thiab qhov chaw rau koj tus me nyuam los nyeem ntawv ywj siab.
2. Nug koj tus me nyuam seb nws nyiam tej nqe lus, cov txheej xwm, los yog tej kev kawm zoo li cas. Ces mus nrhiav cov ntaub ntawv hais txog cov nqe lus ntawd rau.
3. Nws tseem ceeb heev thaum koj tus me nyuam pom lwm tus neeg nyeem ntawv tom tsev. Nej muaj cuab kav yuav sib qhia tej yam nej nyeem.
4. Muab sij hawm rau kev sib tham. Sib tham txog tej txheej xwm nyuam qhuav muaj, sib qhia tej kev txaus siab, thiab cov kev ntshaw yav tom ntej no rau txoj kev kawm txuj thiab kev ua hauj lwm.
5. Mus xyuas cov tsev cia khoom qub txeeg qub teg, cov vaj tsiaj, cov tsev ua yeeb yam, cov chaw hais txog keeb kwm, cov tsev yug ntses, thiab lwm qhov chaw kawm txuj los pab txhawb koj tus me nyuam qhov kev nthuav tawm mus rau tej kev txawj ntse thiab tej lo lus tshiab.
6. Siv cov websites los nyeem tej phau ntawv los yog tej daim ntawv sau nyob online. Cov tsev saib ntawv kuj muaj computers uas cov me nyuam kawm ntawv muaj cuab kav yuav siv tau.

Koom Tes Nrog Koj Tus Me Nyuam Tus Xib Fwb

Muab lus nug rau koj tus me nyuam tus xib fwb, xws li:

- Kuv tus me nyuam puas ua tau cov ntaub ntawv zoo tsim nyog?
- Kuv tus me nyuam qhov ua tau zoo thiab qhov ua tsis tau yog dab tsi?
- Lwm yam kev txhawb los yog kev pab kuv muaj cuab kav yuav muab tau rau kuv tus me nyuam tom tsev yog dab tsi?

Yog xav paub ntxiv txog Xeev Cov Ntsiab Qauv Kawm Lus Askiv mus rau hauv <http://www.corestandards.org/ELA-Literacy> los yog <http://www.commoncoreworks.org>.